

主 編 卞甫

副主編 陳玉宇

明代基本史料叢刊・文集卷
(第一輯)

『洪武、建文朝』

四五

綫裝書局

欽定四庫全書

胡仲子集卷九

明 胡翰 撰

謝翱傳

謝翱字阜羽建寧人也家故畝於財父鑄居喪哀毀人稱其孝宋咸淳初翱試進士不第慨然求諸古以文章名家元兵取宋宋相文天祥亡走江上逾海至閩柳州郡大舉勤王之師翱傾家財率鄉兵數百人赴難遂參軍事天祥轉戰閩廣至潮陽被執翱匿民間流離久之

間行抵勾越勾越多聞故大族而王監簿諸人方延
致游士日以賦咏相娛樂翺時出所長諸公見者皆自
以為不及不知其為天祥客也然終不自明且念久不
去人將虞我矣乃去而之越之南鄙依浦陽江方鳳時
永康吳思齊亦依鳳居三人無變志又皆高年遂俱客
吳氏里中得其餘日以自適一不問當世事翺嘗工會
稽循山左右窺祐思諸陵西走吳會東入鄞過蛟門臨
大海所至歔歔流涕晚愛睦州山水浮七里瀨登嚴光

釣臺北向舉酒以竹如意擊石歌曰魂歸徠兮何極魂
去兮閻水黑化為朱鳥兮有燭焉食歌已失聲哭入莫
詰其誰何惟鳳與思齊深悲之初江端友呂居仁朱翌
辟地白雲源源故方干所居在釣臺之南翱率其徒游
焉願即此為葬地作許劍錄及翱居錢塘病革語其妻
劉曰我死必以骨歸方鳳葬我許劍之地鳳聞訃訖如
其言鳳字韶卿由太學生授容州教授治毛氏詩陳宜
中當國禮下之命其二子大登小登受業焉同郡黃潛

抑貫皆出其門好獎拔士有一善未嘗不與之進思齊
字子善其學本之外祖陳亮用蔭補官攝嘉興丞數以
書干宋臣用事者言賈似道母喪不宜賜鹵簿責文及
翁顧忌爭不力猶不爭耳又言御史俞浙以論謝堂去
職宰相附貴戚塞言路如朝廷何思齊雖有寒疾耳聾
遇事不以勢移不以貧屈自號全歸子云

矯仲子曰翰少客浦陽望仙華寶掌諸山從縉紳學者
問朝時事未嘗不喟然為之太息於是訪其論著之文

朝有晞髮集鳳有巖南集思齋有金歸集三家者惟朝
集備焉其辭隱其指微大要類其行事是時元新有天
下士大夫於宋事多諱書之鄧江任士林稱朝善哭如
唐衢豈其情哉豈其情哉

趙氏大墓表

洪武元年閏月壬午趙氏先世之喪既葬於金華縣慶
雲鄉青岡之七星原鄉守高公昇題曰趙氏之大墓其
孫古愚於是具其族出世次所以發大而流遠者請識

欽定四庫全書

卷九

三

而傳諸子孫初秦悼王在宋為太祖太宗母弟王第四

子曰德雍是為廣陵康簡王康簡生承亮是為樂平忠

靖王忠靖生克愉魏國文思公文思生叔謹內殿承制

承制

闕

堅

闕

宮使正奉大夫始自汴徙家於衛則建

炎再造也今其寔寔

闕

居昭穆之首碩人田氏祔焉宮

使生常熟縣丞諱公傳娶徐氏卒葬於衢常熟生長溪

縣丞諱彥鉷娶徐氏卒葬蘭溪今其寔皆為位而不遷

長溪之子遂昌縣令諱

闕

天居穆之次其配徐氏祔焉

遂昌無子以從兄憂夫之子為後諱時堯居昭之次其
配徐氏祔焉是為古愚之高曾祖曾祖有子二人長諱
若韶號退藏山人娶陳氏何氏李氏則其大父也次諱
若隆娶童氏則從大父也竝各居昭穆之次穆之右則
祔以伯父諱嗣洪嗣闕者闕父諱嗣淵者嗣淵之配張
氏如之昭之左則祔以厥考諱嗣闕者厥妣葉氏如之
考妣之次則古愚之兄古闕及其嫂張氏祔焉八世合
二十喪皆獲從其寢室尊尊也親親也所以昭有禮也

禮必本其所始所以昭有德也惟趙氏蟬聯累葉自汴徙衛至長溪丞又徙於蘭溪至退藏公又徙於婺源今遂為郡人翰同里閉書獲交退藏之門聽其二子之議論未嘗不以前人彙瘞為疚丁時孔艱賣志而沒亦惟後之人重其園之故古愚古闕古忱篤于孝友不替其父命於十年之後既買地縣北婺源鄉奉以襄事今又改葬茲土克邁前跡是為有合於古者邦基族葬之義故翰書之非徒示其子孫亦以為邦人勸

胡義士墓表

永康之魁山有義士焉曰胡君元祚其先建寧人也宋
宣和中其遠祖志寧來為邑遂長子孫至今居之邑地
西直婺東抵處處阻險而俗獷山谷之間竊發弄兵積
為民患及元之季郡邑兵起環處之境皆盜區也戍將
石抹升之督兵討之勢猶不戢至正乙未縉雲窮溪之
寇殷氏杜氏啖群亮以利大入剽掠橫殺不辜元祚慨
然曰吾土皆王民吾雖力不能為國除賊獨忍鄉井罹

其毒束手視之邪走白邑令為防禦計散家財集少壯之丁立保伍之法大書其幟為義兵寇傾之不敢輒犯詐遣其徒來降尋乃旁出抄虜擄邑郭焚廬舍會官兵至元祚率衆助討之寇退兵駐邑中頗恣睢元祚扣軍門白王帥出旗樹於鄉約曰敢擾吾民者殺無赦士卒如約而元祚具酒肉禮其至者如初鄉民安堵令嘉其能檄所部團結悉如其法上其名於憲府憲府嘉之署曰義士胡某俾與方允中合而拒賊賊畏之至者不敢

越鯉溪而西時太平呂原明軍方岩致書元祚曰東南
當賊要衝君以身障之能杜其不至乎易若去難就易
於計萬全也元祚曰吾衆以義合將以排難存鄉里耳
委而去之豈吾志邪益厲衆固守聞賊至山砦之民受
圍者輒出兵援之歲丁酉正月賊寇武平合德元祚大
破之遂北數十里二月丙午戰於前倉又破之賊數戰
不利明日乃盡勒其衆間道出方岩與呂原明戰巖下
呂不利其屬孫伯純歿於陣又明日賊復至與元祚遇

於占田元祚盡銳以戰顧謂允中曰賊衆我寡惟死關耳不可退而覆也自辰至午戰不利方允中呂伯川沒於陣元祚自分不獨生戰益力厲聲罵賊不旋踵死之至正十七年二月二十二日也邑令伊蘓岱爾聞其死輒泣曰吾為天子命更不能羸股肱効尺寸功而元祚起畎畝不費官一粟不取民一錢合鄉兵而贍之屢與賊搏雖斃於蜂蟻之衆不少挫其氣吾屬媿之矣其可使君之志不白於當世乎具疏其事以聞報未下明年王

師克發城永康內附又十有一年朝廷修元史凡忠臣
義士於法得立傳余欲取其事載之無以究極其詳又
八年余至永康見其子裕問君所以致死裕哀形於色
為余言其先人之歿裕不能援而與之俱顧嘗圖其不
朽有韓先生循仁之狀宋先生濂之銘在余讀而悲其
不幸然未嘗不壯其為人當寇發難時巨族寒畯男女
扶攜走道上以脫一旦之命不顧宗祏棄骨肉者里相
比也將吏盡地自守玩愒以養寇畏縮以為持重不能

展手足者郡相望也計其人怖死不暇惡肯抗必死之
寇以不貲之軀而君亦何樂而為之無乃輕用其身哉
天下大義蓋有重於身者人不察也叛逆之寇義所不
容也吾討之義不容已也不幸而死固其所也君既死
而懷利計私者苟免宜若得志由今視之果能保其祿
位乎享其富貴乎就令有之泯焉無聞者多矣若君之
所樹立聞其風者莫不惜而慕之大義之在人心如此
百世之下有生氣矣君得年四十有八娶章氏繼趙氏

子四人趙出也長即裕次禔次祐次禔余既多君之義
又愛其子之能孝故撫其大節俾揭而表諸墓亦史氏
之遺意云

何遁山墓誌銘

公諱鳳字天儀其先澤州晉城何氏唐會昌間澤州亂
何氏南徙析其族辟地衢處娶三州而娶之著籍自淳
始歷五代至宋其十一世孫有諱棟者是為公之曾祖
其別出之族若假講文定公基司農卿夢祥參政夢然